



虛雲和尚法彙





虛雲和尚法彙

妙音精舍敬贈



紀念虛雲老和尚圓寂四十周年



像贊

虛空法界身
雲遊遍十方
法眼本圓明
相德自莊嚴

公元一九九九年農曆九月十二日

寬茂發敬印

虛雲老和尚法相



壹佰壹拾捌歲

佛教世人持淨戒
戒淨莊嚴清淨身
了知舍那心地印
生佛無殊一體真

虛雲題



應無所住



己亥夏虛雲題
百廿



雲公像讚

屈彊此老 天魔嚇倒 露乃金剛 殺人如草
空中樓閣 沒頂頭腦 多子塔前 弋領糞掃
法華會上 分座多寶 無相而相 善頌善禱
先喫痛棒 再申懷抱 不動舌頭 許汝道道

弟子明一觀本敬題



寬賢老居士慧鑒：年譜一冊今日始得寓目，閑河多

阻，感嘆奚如！憶壬辰歲春，雲門事變時，雲重傷重

病，目不見耳不聞，奄奄一息，九死餘生，偃卧床褥，弟子

証圓等侍奉病榻，夙夜詢問，予生平事蹟，蓋恐

雲有意外及禍患之重，未也。雲神情不甯，語音乖澀

隨說隨錄，不成片段，予亦未曾過目，祇証圓等將稿寄

交居士考訂，承港中善信過愛，遽尔印行，且再版

矣。時閱四年，雲始得見其中不無誤記之處，今令侍

者畧為簽出請

居士於刊刻三版時更正之

雲

目瞶耳聾不能細閱百病

日增待盡而已人生如夢一切皆幻空中飛鳥有何踪跡可
尋況學道人耶留此數行又有何益若居士以為
佛法不離世法隨順可爾此候

法樂

虛雲



丙申八月十二日

虛雲和尚法彙

序

虛雲大師。以百載光陰。盡瘁傳化。其事震爍中外。今古倏虛久仰。道風幸獲親近。追惟芳躅。攬茲世變。又何能已於懷。大師其入佛境界。行菩薩行者耶。聖法毗奈耶一法不取。法法成佛。若非親符此境。其何能繁興萬行。雖被大功德鎧。而成無所成。雖成無所成。而無成之。化化無極。薄海同倫。誰能外此恩德。師先代興聖國師。世傳有聖箭令譽。今師躬臨大難。而不循他家通霄之路。亦不感於失殿離宮。可不謂之為道精純。而臻化境也哉。豈特五家綱宗。藉以振起。而整個佛法。胥賴撐扶於不墮。吁。誠偉矣。按師生平所著諸經義疏。悉遭世變散失。茲書僅集法語。書問。散文。詩集。宗源。祖贊。各篇。暨師之一生化跡。以及各家贊頌。追思。紀念等文。整體鉅觀。綱宗燦列。讀法語。啟示諸篇。俾知夫宗門雖玄。而側擊旁敲。疏導啟發。尚非無津涯可入。其有功世道。詎可限量。蓋師之吐屬。一一發自胸襟。蓋天徹地。觀其斥宗教之互諍。而尊護羣經。嚴宗門之家風。而慎於記莚。佛祖言教。收來如珠走團圓。公案精

微。披剝如犀。分歷落。又以法運不振而魔強。戒行不嚴而法弱。歷主名山。戒法為重。此又觀其同戒錄諸作。可概見矣。方今法運垂秋。人心陷溺。而世變亦日亟。茲書一出。倘能喚起大眾。自審本分。各顧脚跟。則教乘宗乘。同是滋茂發皇。各當時機。共相舉發。行見慧日出而灼火消。大法明而世運轉。不然。則舉世屬望。自由自在平等安樂境界。捨共明斯道。其又孰與歸哉。

辛丑孟春 湛山倓虛敬敘於香港中華佛教圖書館

原 序

青龍在壬辰之歲。雲門劫後。山陬法物。蕩然無存。吾師虛雲和尚。傷法道之陵夷。慮慧命之斷絕。使其徒向曩日駐錫之東南諸巨剎。網羅散帙。而平生殫力所著之「楞嚴經玄要」。一「法華經略疏」。一「遺教經注釋」。一「圓覺經玄義」。一「心經解」。竟不可得。僅繕寫法語詩文少分回。師歎口定業也。吾今不復隱秘矣。徇證圓等懇求。乃集諸弟子口述一百餘年所憶及之事蹟。錄為年譜。並將蒐錄所得之法語詩文序跋等。命學呂編輯。爰集同人。分任讎勘。考訂附註。撰次為十卷。另年譜上下二卷。筆始於春初。簡撤於冬暮。名曰虛雲和尚法彙初編。書成。乃為之序曰。學呂以博地凡夫。瞻仰十地菩薩。但覺其不可思議。非游夏所能贊一詞也。何敢序。以師命故。又何敢違。每於冥心編輯之際。味吾師不可思議之思。隨見隨拈。因月有指。枝中覓本。委上求原。聊此引伸。就正有道。夫諸佛以大事因緣。出現於世。諸祖以續佛慧命。乘願再來。豈惟自了。有大悲大願存焉。悲大故憂之也深。願大故任之也重。吾師於五十六歲以前是自度。五十六歲以後是度人。竊窺其行履。志大氣剛。心堅行苦。故能度生衆而收效弘。歷盡折磨。九死而不死。坐閱世變。有生而無生。至其手建大小梵剎數十。

歸依門下弟子中外百數十萬人。此舉世所共知者也。而獨於吾師之重振綱宗。續佛慧命。有爲世所不盡知者。溯自達摩西來。至六祖而一花五葉。臨濟開玄要之宗。洞山立君臣之義。滄仰發體用之論。雲門示三關之捷。法眼呈六相之分。拈花妙義。大布東方。及後則曹洞專主少林。滄仰則圓相漸隱。雲門於韓大伯後。難見其人。法眼盛於永明。而入高麗。獨臨濟尚存香火耳。元明以降。禪門宗匠。自中峰。楚石。以遞紫柏。憨山。天童。玉琳。屈指可數。獅絃其絕響矣。百餘年後。吾師出世。於鼓山傳法曹洞。兼嗣宗臨濟。中興雲門。扶持法眼。延續滄仰。興滅繼絕。慧日同光。以一身而參與五宗法脈。舍西竺龍樹外。其誰耶。學呂特爲拈出。以告後之研求宗乘者。諒爲吾師之所許夫。序書於癸巳元旦。師年一百一十四歲矣。三災過後。佛日重輝。願留寶掌千年。常作人天眼目。慈雲普陰。法乳同沾。則法彙由初編二編以至若干編。豈止宗鏡百卷已哉。此衆生所共禱者也。學呂淺陋。毫彌昏昧。傳燈續錄。有賴後賢。是爲序。

鼓山門下弟子順德岑學呂寬賢恭序

佛歷二千九百八十年歲次第七十八癸巳

越六年己亥秋。師示寂於雲居山真如寺。事前一月。以近年蒐集之佚稿及弟子錄存之

法語遠道見寄。囑付重編法彙全集。其詳具誌年譜中。茲識其顛末於此。

辛丑仲秋學呂再識

虛雲和尚法集

原序

目錄

虛雲和尚像

像贊

倅虛法師序

原序

法語

開示

書問

文記類(附規約)

詩歌

一一二

一一三

一一一
一一七

一一八
一一七八

一七九
一二二〇

二二一
一三六〇

三六一
四七一

虛雲和尚法彙 目錄

二

附印後記

四七二—四七三

增補

四七四—四八五

編後贅言

四八六—四九三